



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1431. usque ad annum 1441

**Fleury, Claude**

**August. Vind. [u.a.], 1768**

**VD18 90118316**

§. 43. Sententia Græcorum de conjugiiis.

---

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

syraei: *De concordia Ecclesiae Occidentalis, Saecul. XV. & Orientalis in septem Sacramentorum administratione, ex quo plura perspicere licet.*

## §. XLIII.

*Sententia Graecorum de conjugis.*

De dissolutione Matrimonii tunc Graeci nihil respondere poterant, nisi quod *matrimonia absque iustis causis non dirimant*: cum tamen praecipua controversia in eo versaretur, quod Graeci existimarent, licitum esse matrimonium in causa adulterii non modo dirimere, sed & novum contrahere: Latini vero propugnarent, conjugium quidem ob hoc crimen *quoad thorum, & cohabitationem*, ut Theologi loquuntur, non autem *quoad vinculum* dissolvi posse, ac proin nec ad alias nuptias transire permissum. Cujus doctrinae veritatem idem Arcudius ex ipsis antiquorum tum Graecorum, tum Latinorum Patrum auctoritatibus invicte demonstrat. Insuper apud Ruardum Taperum insignem Lovaniensem Theologum legimus, Graecos sacrae paginae testimoniis ad id demum fuisse in Synodo compulsos, ut Confirmationem vere esse Sacramentum agnoscerent, quod eos antea negasse idem asserit. Verum hac de re nulla omnino mentio in Actis Synodalibus occurrit.

Post-

*Taper to. 2.  
art. 12. de  
Confirm.*

Sæcul. XV.  
A.C. 1439.

Posthæc Pontifex postulabat, ut Marcus Ephesinus ad allegandas suæ a Concilio separationis causas adigeretur, ejusque inobedientia debita animadvertitur, coerceretur. Præterea idem Imperator atque Prælati exponebat, hanc illius temeritatem esse summam, quam nunquam Oecumenica Synodus tolerasset: præcipue vero Nicænum Concilium olim severe castigasset, dum Eusebium Nicomediensem, & Theognium Nicænum condemnatos, atque ab Imperatore Constantino punitos Synodus exauctoravit, eo quod condemnationis sententiam Arium latæ cum ceteris Patribus subscribere renuissent: minus toleranda est, si junxit Papa, hujus Viri pervicacia, qui solus universali Synodo insultare præsumit, quasi ceteris omnibus nobis sapientior esset, quem tamen scimus sæpe in disputationibus hæsisse, nec valuisse respondere ad ea, quæ Frater Joannes Dominicanorum Provincialis ab illo quærebat. His auditis Græcorum Episcopi confestim inter se congressum cogebant, & Marcum Ephesinum in jus vocandum decernebant, ut pertinaciæ suæ, qua Synodo subscribere recusavit, rationem redderet, maximum ipsum Concilium omnes, qui se eisdem submittere recusaverint, ipso facti excommunicatos declarasset.

*Plusiad. apud Allat. lib. 3. cap. 1.*